



Broj: 01/3-50-1-25-26/05
Sarajevo, 22. marta 2006. godine

Z A P I S N I K
26. sjednice Komisije za vanjsku trgovinu i carine
Predstavničkog doma Parlamentarne skupštine BiH,
održane 22. marta 2006. godine

Sjednica je počela u 14:00 sati.

Sjednicom je predsjedavao Petar Kunić, predsjedavajući Komisije.

Sjednici su prisustvovali: Ivo Lozančić, Dušanka Majkić, Izet Hadžić i Ibrahim Dedović.

Opravdano odsustvovali sa sjednice: Fatima Leho, Azra Hadžiahmetović, Marija Perkanović i Mladen Potočnik.

Sjednici su prisustvovali: Mirsad Ćeman ispred predlagača Zakona (tačka 2. dnevnog reda); Sabrija Šerifović, pomoćnik ministra u Ministarstvu vanjske trgovine i ekonomskih odnosa; Hajrudin Podbičanin, šef Odsjeka za carinsku politiku u Ministarstvu vanjske trgovine i ekonomskih odnosa; Amer Bekrić, savjetnik zamjenika ministra u Ministarstvu finansija i trezora; Anđelka Dobrilović, asistent u Istraživačkom centru BiH i Emira Češljarić, sekretar Komisije.

Za sjednicu Komisije je predložen i jednoglasno usvojen sljedeći

D N E V N I R E D

1. Usvajanje Zapisnika 25. sjednice Komisije
2. Razmatranje ponovno Prijedloga Zakona o dopuni Zakona o carinskoj politici BiH, predlagača Mirsada Ćemana i Beriza Bekića, poslanika u Predstavničkom domu (upućenog u parlamentarnu proceduru 30.08.2005.)
3. Razmatranje Prijedloga zakona o izmjenama i dopunama Zakona o carinskoj politici BiH, predlagač Vijeće ministara BiH (upućenog u parlamentarnu proceduru 10.02.2006.)
4. Razmatranje «Analize vanjskotrgovinske razmjene Bosne i Hercegovine» s prijedlogom mjera za smanjenje trgovinskog deficita BiH, dostavljena 7.3.2006.godine po Zaključku 63. sjednice Predstavničkog doma
5. Prijedlog radnog plana Komisije Kolegiju Predsavničkog doma za izradu Orijentacionog radnog plana Predstavničkog doma za 2006. godinu
6. Tekuća pitanja:
 - a) upoznavanje s obavještenjem Ministarstva finansija i trezora BiH o povlačenju zahtjeva za autentično tumačenje stava 3. člana 176. Zakona o carinskoj politici BiH
 - b) upoznavanje s **Odlukom o utvrđivanju mjera za otkup domaće proizvodnje za koje se veže korištenje tarifnih kvota**, (Odluka Vijeća ministara BiH, objavljena 28.12. 2005. – « Službeni glasnik BiH», broj 92/05, realizacija tačke 3. Zaključka sa 25. sjednice Komisije)

Ad-1

Zapisnik 25. sjednice usvojen je jednoglasno, bez primjedbi.

Ad-2

Razmatranje ponovno Prijedloga zakona o dopuni Zakona o carinskoj politici BiH, predlagača Mirsada Ćemana i Beriza Bekića, poslanika u Predstavničkom domu (upućenog u parlamentarnu proceduru 30.08.2005.)

Prijedlog zakona o dopuni Zakona o carinskoj politici Bosne i Hercegovine, predlagača Mirsada Ćemana i Beriza Belkića, poslanika u Predstavničkom domu, razmatrala je Komisija na 25. sjednici održanoj 18.11.2005. godine.

U skladu s odredbama Zakona o sistemu indirektnog oporezivanja Bosne i Hercegovine Komisija se obratila Upravnom odboru UIO BiH radi dobijanja odobrenja za dopunu Zakona predlagača. Upravni odbor je u dva navrata razmatrao prijedlog dopuna i na sjednici 29.11.2005. godine odlučio da se utvrdi prijedlog izmjena i dopuna u članu 176. stav 3. Zakona, u koji će se ugraditi dopuna navedenih predlagača Zakona kao i zahtjev Ministarstva finansija i trezora za davanje autentičnog tumačenja stava 3. člana 176. Zakona o carinskoj politici Bosne i Hercegovine.

Mirsad Ćeman ispred predlagača Zakona obrazložio je svrhu dopune Zakona koji je predložen i ukoliko se Komisija opredijeli za Prijedloga zakona o izmjena i dopuna Zakona predlagača Vijeća ministara BiH odustat će od prijedloga zakona o dopuni Zakona o carinskoj politici Bosne i Hercegovine, koji su on i Belkić Beriz predložili.

Ad-3

Razmatranje Prijedloga zakona o izmjenama i dopunama Zakona o carinskoj politici BiH, predlagač Vijeće ministara BiH (upućenog u parlamentarnu proceduru 10.02.2006.)

Prijedlog zakona o izmjenama i dopunama Zakona o carinskoj politici Bosne i Hercegovine uputilo je 10. februara 2006. godine Vijeće ministara Bosne i Hercegovine u parlamentarnu proceduru, s prijedlogom da se Zakon razmatra po hitnom postupku, u skladu s članom 104. Poslovnika Predstavničkog doma.

Predstavnički dom na 74. sjednici, održanoj 14. februara 2006. godine, prihvatio je zahtjev Vijeća ministara BiH da razmatra Prijedlog zakona o izmjenama i dopunama Zakona o carinskoj politici Bosne i Hercegovine po hitnom postupku, u skladu sa članom 104. Poslovnika Predstavničkog doma.

Ustavno-pravna komisija Predstavničkog doma, na 62. sjednici održanoj 2. marta 2006.godine, razmatrala je Prijedlog navedenog Zakona i jednoglasno utvrdila da postoji valjan ustavno-pravni osnov za njegovo donošenje, i da se ponuđeni tekst Zakona o izmjenama i dopunama Zakona o carinskoj politici Bosne i Hercegovine može uputiti u daljnju proceduru nadležnoj komisiji.

U raspravi su učestvovali: Dušanka Majkić i Petar Kunić.

Komisija je konstatirala da na Prijedlog zakona o izmjenama i dopunama Zakona o carinskoj politici Bosne i Hercegovine nije bilo uloženi amandmana.

Također, Komisija je prihvatila prijedlog predlagača Zakona da je usljed tehničkog propusta izostavljeno da se naglasi da se iza tačke (b) stava 3. člana 176. postojećeg teksta koji u originalu glasi:

“b) u potpunosti finansiran od strane stranih donatora ili međunarodnih banaka za razvoj.” briše interpunkcijski znak kojim tačka (b) završava i dodaje veznik “ili”, sa tekstem nove tačke (c) člana 1. stava 1. Prijedloga zakona o izmjenama i dopunama Zakona o carinskoj politici Bosne i Hercegovine.

Komisija je jednoglasno prihvatila tekst Zakona sa navedenom ispravkom u tački (b) stava 3. člana 176. Zakona o carinskoj politici Bosne i Hercegovine, uz konstatiranje da je

Zakon neophodno donijeti, te će predložiti Predstavničkom domu da usvoji Zakon o izmjenama i dopunama Zakona o carinskoj politici Bosne i Hercegovine.

Ad-4

Razmatranje «Analize vanjskotrgovinske razmjene Bosne i Hercegovine» s prijedlogom mjera za smanjenje trgovinskog deficita BiH; dostavljena 7.3.2006.godine po Zaključku 63. sjednice Predstavničkog doma

Vijeće ministara BiH, na 107. sjednici održanoj 9. februara 2006. godine, usvojilo je navedenu Analizu dostavljenu po Zaključku 63. sjednice Predstavničkog doma od 27. jula 2005. godine.

Ispred Ministarstva vanjske trgovine i ekonomskih odnosa kao autora materijala, uvodne napomene dao je Sabrija Šerifović, pomoćnik ministra.

U raspravi su učestvovali: Dušanka Majkić, Ibrahim Đedović, Petar Kunić, Izet Hadžić.

Dušanka Majkić istakla je da je zadovoljna dobijenim materijalom, i datim oficijalnim podacima Ministarstva vanjske trgovine i ekonomskih odnosa sublimiranim u Izvještaju, ali nije zadovoljna tačkom 5.3 Vanjskotrgovinske politike BiH koja se odnosi na Carinsku tarifu, radi toga što Ministarstvo nije uradilo ništa na oslobađanju od carinskih dažbina tovnog materijala za uzgoj stoke.

Ibrahim Đedović složio se sa metodologijom izrade materijala, i istakao da u prijedlogu mjera nije navedeno ko će i u kojem roku realizirati i koji efekti se mogu očekivati za smanjenje trgovinskog deficita, te smatra da je iza većine prijedloga mjera prisutna siva ekonomija, za koju nema prijedloga za njeno suzbijanje.

Petar Kunić je rekao da je prema dobijenim podacima još uvijek alarmantna situacija kod uvoza žita, voća, povrća, i trebalo bi vanjskotrgovinsku razmjenu bh. agroproizvoda sektorski sagladati za svaku oblast i naveo je primjer uvoza iz oblasti drvne industrije prema tabernalnom prikazu, gdje se uglavnom radi o robama sirovinskog i polusirovinskog karaktera.

Izet Hadžić je predložio da se uz prisustvo ministra Ministarstva vanjske trgovine i ekonomskih odnosa i resornih entitetskih ministarstava ponovo razmotri dostavljena Analiza i postave određena pitanja: s kojom pouzdanošću se može reći da se radi o validnom dokumentu; po kojoj osnovi se plasira roba u BiH po pitanju slobodne trgovine; potrebu boljeg uređenja sistema kontrole carinskih prijelaza.

Kako se u analizama vanjskotrgovinske razmjene BiH ponavljaju isti problemi i materija, Komisija je jednoglasno **z a k l j u č i l a** da se u prisutnosti ministra Ministarstva vanjske trgovine i ekonomskih odnosa i entitetskih premijera, odnosno ministara resornih ministarstava, ponovo razmotri navedeni materijal i tada bi se na sjednici postavila pitanja prisutnim u pravcu: dobijanja određenih objašnjenja u razvoju privrede u zemlji, s konkretnim prijedlozima uspostavljanja jedinstvenog tržišta; efektima slobodne trgovine vanjskotrgovinske razmjene u regiji na osnovu zaključenih ugovora o slobodnoj trgovini u okruženju; ukupna razmjena i interesi reciprociteta.

Kolegij Doma obavijestiti o navedenom zaključku.

Ad-5

Prijedlog radnog plana Komisije Kolegiju Predstavničkog doma za izradu Orijentacionog radnog plana Predstavničkog doma za 2006. godinu

Na osnovu člana 45. stav 2. Poslovnika Predstavničkog doma Komisija je razmatrala dopis Kolegija od 16. januara 2006. u vezi davanja mišljenja i prijedloga za izradu Orijentacionog radnog plana Predstavničkog doma za 2006. godinu.

Kako se za sve aktivnosti Doma (zakonodavna, kontrolna, informativna i unutrašnjo-regulativna) u Orijentacionom radnom planu preciziraju rokovi njihove realizacije, koji su podložni promjenama, najvažnije je ispoštovati rok prema odredbama Poslovnika u

osnovnom zakonodavnom postupku - komisijske i plenarne faze kada se određeni zakon, međunarodni ugovor, inicijativa i druga akta dostave u parlamentarnu proceduru na razmatranje. **Komisija će prema utvrđenoj dinamici iz okvira svog djelokruga poslova razmatrati predložena akta i blagovremeno izvještavati Dom.**

U okviru Analitičko-informativne aktivnosti Komisija će razmatrati analize vanjskotrgovinske razmjene Bosne i Hercegovine koje po zaključku Predstavničkog doma i Zaključku Komisije budu dostavljene od Vijeća ministara BiH i drugih institucija, kao i informacije o provođenju carinske i vanjskotrgovinske politike.

Imajući u vidu da se Orijentacioni radni plan Doma utvrđuje najvećim dijelom na osnovu Programa rada Predsjedništva BiH i Vijeća ministara BiH, a koji do sada nisu upućeni Parlamentarnoj skupštini Bosne i Hercegovine, Komisija će na osnovu provedene poslovničke procedure i nakon dobijanja utvrđenog Radnog plana Predstavničkog doma za 2006. godinu sačiniti svoj Orijentacioni radni plan za 2006.godinu.

Komisija je zaključila da o navedenom obavijesti Kolegij Predstavničkog doma.

Ad-6

Tekuća pitanja

a) upoznavanje s obavještenjem Ministarstva finansija i trezora BiH o povlačenju zahtjeva za autentično tumačenje stava 3. člana 176. Zakona o carinskoj politici BiH

Sekretar Komisije upoznala je prisutne da je Ministarstvo finansija i trezora zahtjev za autentično tumačenje stava 3. člana 176. Zakona o carinskoj politici Bosne i Hercegovine upućen 11.8.2005. godine povuklo iz procedure dopisom od 27. 3. 2006. godine. Razlog su predložene izmjene i dopune Zakona o carinskoj politici Bosne i Hercegovine, predlagača Vijeća ministara BiH, (koje je Komisija razmatrala pod tačkom 3.), koji će po usvajanju ukloniti postojeće dileme, nejasnoće i probleme u praktičnoj primjeni norme čije se autentično tumačenje tražilo, dodavanjem nove tačke (c) stavu 3. člana 176. navedenog Zakona.

b) upoznavanje s **Odlukom o utvrđivanju mjera za otkup domaće primarne proizvodnje za koje se veže korištenje tarifnih kvota**, (Odluka Vijeća ministara BiH, objavljena 28.12. 2005.–«Službeni glasnik BiH», broj 2/05, realizacija tačke 3. Zaključka sa 25. sjednice Komisije)

Komisija je konstatirala da je Ministarstvo vanjske trgovine i ekonomskih odnosa BiH realizovalo u potpunosti tačku 3. Zaljučaka 25. sjednice Komisije od 18. novembra 2005. godine, koja se odnosila na iznalaženje mogućnosti otkupa postojećih zaliha mesa peradi, u cilju stimulisanja domaće primarne proizvodnja., Naime, Vijeće ministara BiH donijelo je 28.12.2005. godine navedenu Odluku koja je stupila na snagu 1. januara 2006. godine.

Sjednica je završila u 15:15.

Sekretar Komisije
Emira Češljarić

Predsjedavajući Komisije
dr. Petar Kunić